

摛藻堂四庫全書薈要

集部

欽定四庫全書  
欽定全唐詩卷一萬七千四百四十九集部

御定全唐詩卷四十四

劉禕之

劉禕之字希美常州晉陵人少以文藻知名上元中為左史弘文館直學士與元萬頃等皆召入禁中論次新書又密令參決時政以分宰相權時謂北門學士則天時拜中書侍郎同中書門下三品及官名改易為鳳閣侍郎同鳳閣鸞臺三品垂拱中賜死集七十卷今存詩

五首

奉和太子納妃太平公主出降

時咸亨四年

夢梓光青陛穠桃藹紫宮德優宸念遠禮備國姻崇萬  
戶聲明發三條騎吹通香輪送重景絲旆引仙虹

奉和別越王

周屏辭金殿梁驂整玉珂管聲依折柳琴韻動流波鶴  
蓋分陰促龍軒別念多延襟小山路還起大風歌

酬鄭沁州

麒麟一代良能軒千里躅緝圖昭國典按部留宸曠匪

厭承明廬佇燕司隸局芸書暫輟載竹使方臨俗節變

風緒高秋深露華溽寒山歛輕靄霧野澄初旭已切一  
作變

覽長年悲誰堪歧路促遙林征馬迅別館嘶驂跕雅贈

響擬金索居睽倚玉悽斷離鴻引勞歌思足曲

孝敬皇帝挽歌

上元二年追謚太  
子弘為孝敬皇帝

戒奢虛蜃輶錫號紀鴻名地叶蒼梧野途經紫聚城重  
照掩寒色晨颺斷曙聲一隨仙驥遠霜雪愁陰生

九成宮秋初應詔

帝一作懸

圓疏金闕仙臺駐玉鑾野分鳴鸞岫路接寶雞

壇林樹千霜積山宮四序寒蟬急知秋早鶯疎覺夏闌  
怡神紫氣外凝睇白雲端舜海詞波發空驚遊聖難

李敬玄

李敬玄亳州譙人博覽羣書特善五禮貞觀末高宗在  
東宮以馬周薦召入崇賢館侍讀歷西臺侍郎檢校司  
列常伯典銓有序選者歲萬餘人每於街衢見之無不

知其姓名時人服其強記儀鳳中為中書令劉仁軌奏  
鎮河西敬玄自知非邊將才上強遣之敗於湟州坐貶  
集三十卷今存詩二首

奉和別魯王

高祖子靈夔歷五州刺史

綠車旋楚服丹蹕佇秦川珠臯轉歸騎金岸引行旃一  
朝限原隰千里間風煙鶩喧上林谷一作鳬響御溝泉

前一作斷雲移魯蓋離歌動舜弦別念凝神戾崇恩洽玳

筵顧惟慙叩寂徒自仰釣天

奉和別越王

太宗子貞則天時為豫州刺史

飛蓋迴蘭坂  
宸襟佇柏梁  
別館分涇渭  
歸路指衡漳  
關山通曙色  
林籞偏春光  
帝念紆千里詞  
波照五潢

張大安

張大安魏州繁水人公謹之子上元中歷太子庶子同  
中書門下三品時章懷太子令<sup>叔</sup>與劉訥言等同注范煜  
後漢書後貶普州刺史終橫州司馬詩一首

奉和別越王

盛藩資右戚連萼重皇情離襟愴睢苑分途指鄴城麗  
日開芳甸佳氣積神京何時驂駕入還見謁承明

元萬頃

元萬頃洛陽人後魏景穆皇帝之裔起家通事舍入乾  
封中從英國公李勣征高麗令作檄文萬頃譏其不知  
守鴨綠之險莫離支報曰謹聞命矣遂移兵守鴨綠兵  
不得入坐流嶺外遇赦還為北門學士則天時遷鳳閣  
侍郎坐與徐敬業兄弟友善貶死詩四首

奉和太子納妃太平公主出降

象輶初乘鴈璇宮早結禩離元應春夕帝子降秋期鳴

瑜合清

一作薦

響冠

一作比

玉麗穠姿和聲躋鳳掖交影步

鸞墀

奉和春日池臺

日影飛花殿風文積草池鳳樓通夜敞虬輦望春移

奉和春日二首

花輕葉亂仙人杏葉密鶯喧帝女桑飛雲閣上春應至

明月樓中夜未央

此首一作上官儀詩

鳳輦迎風乘紫閣鸞車避日轉彤闈中堂促管淹春望

後殿清歌開夜扉

郭正一

郭正一定州彭城人貞觀中舉進士累轉中書舍人弘  
文館學士永隆二年遷祕書少監檢校中書侍郎與魏  
玄同郭待舉並同中書門下平章事宰相以平章事為  
名自正一等始也則天時出為晉州刺史後為酷吏所

陷竄死嶺南詩一首

奉和太子納妃太平公主出降

桂宮初服冕蘭掖早升笄禮盛親迎晉聲芬出降齊金  
龜開瑞鈕寶翟上仙桂一作梯轉扇承宵月揚旌照夕蜺

胡元範

胡元範申州義陽人介廉有才則天時為鳳閣侍郎坐  
救裴炎流死鴻州詩三首

奉和太子納妃太平公主出降三首

別本作  
一首

帝子威儀絕儲妃禮度優疊鼓陪仙觀凝笳翼畫輶鬱  
鬱神香滿奕奕彩雲浮排空列錦罽騰歡溢皇州

金闕未息火玉樹鍾天愛月路飾還裝星津動歸佩紫  
極流宸渥清規佇慈誨恩波洽九流光輝軼千載

列席詔親賢式宴坐神仙聖文飛聖筆天樂奏鈞天曲  
池涌瑞景文字孕祥煙小臣同百獸率舞悅堯年

任希古

一作知古  
奉古

任希古字敬臣棣州人五歲喪母刻志從學年十六刺

史崔樞欲舉秀才自以學未廣遜去後舉孝廉虞世南  
器之永徽初與郭正一崔融等同為薛元超所薦終太  
子舍人詩六首

奉和太子納妃太平公主出降

帝子陞青陛王姬降紫宸星光移雜珮月彩薦重輪龍  
旌翻地杪鳳管颺天濱槐陰浮淺瀨葆吹翼輕塵

和東觀羣賢七夕臨泛昆明池

秋風始搖落秋水正澄鮮飛眺牽牛渚激賞鏤鯨川岸

珠淪曉鬼池灰斂曙煙泛查分寫

一作  
鴻

漢儀星別構

一  
作

架天雲光波處動日影浪中懸驚鴻桂浦弋遊鯉入莊

峯萍葉疑江上菱花似鏡前長林代輕幄細草即芳筵  
文峯開翠漱筆海控清漣不挹蘭樽聖空仰桂舟仙

和左僕射燕公春日端居述懷

豐野光三傑媯庭質五臣繢絹歌美譽絲竹詠芳塵聖  
歷開環象昌年降甫申高門非捨築華構豈垂綸鳳邸  
搏霄翰龍池躍海鱗玉鳴昇黃閣金章謁紫宸禮闈通

政本文昌總國均調風振薄俗清教叙彝倫星迴應綴  
管日御警宣賓葉上曾槐變花發小堂春思挂五

一作東

都冕言訪北山巾赫赫容臺上千祀耀平津

和長孫祕監伏日苦熱

玉署三時曉金羈五日歸北林開逸徑東閣敞閒扉池  
鏡分天色雲峯減日輝游鱗映荷聚驚翰遶林飛披襟

楊子宅舒嘯仰重闈

和李公七夕

謝惠連體

落日照高牖涼風起庭樹悠悠天宇平昭昭月華度開  
軒卷紹幕延首睇雲路層漢有靈妃仙居無與晤履化  
悲流易臨川忽遲暮昔從九春徂方此三秋遇瑤駕越  
星河羽蓋凝珠露便妍耀井色窈窕凌波步始闋故人  
新俄見新人故掩淚收機石銜啼襞紈素惆悵何傷已  
襄回勞永慕無由西北歸空自東南顧

和長孫祕監七夕

二秋叶神媛七夕望仙妃影照河陽妓色麗平津闇鶴

橋波裏出龍車霄外飛露泣低珠佩雲移薦錦衣更深  
黃月落夜久靨星稀空接靈臺下方恧辨支機

裴守真

裴守真絳州人高宗時為太常博士天授中官司憲府  
丞令推究詔獄多平恕不稱旨出刺成州徙寧州卒詩

三首

奉和太子納妃太平公主出降三首

別本作一首

瑜珮升青殿穠華降紫微還如桃李發更似鳳皇飛金

屋真離象瑤臺起婺窟絲纓紛碧坐績羽泛榆衣

雲路移形輦天津轉明鏡仙珠照乘歸寶月重輪映望

園嘉宴洽主第歡娛盛絲竹揚帝重簪裾奉宸慶

繁雲靄曉光湛露晞朝陽天文天景麗睿藻睿詞芳玉

庭散秋色銀宮生夕涼太平超邃古萬壽樂無疆

楊思玄

楊思玄師道兄子高宗時為吏部侍郎國子祭酒詩二

首

奉和聖製過溫湯

豐城觀漢迹溫谷幸秦餘地接幽王壘塗分鄭國渠風威肅文衛日彩鏡雕輿遠岫疑氛重寒叢對影疎迴瞻漢章闕佳氣滿宸居

奉和別魯王

元王詩傳博文后寵靈優鶴蓋動宸眷龍章送遠遊函關疏別道灞岸引行舟北林分苑樹東流溢御溝鳥聲含羽碎騎影曳花浮聖澤九垓普天文七曜周方圖獻

雅樂簪帶奉鳴球

王德真一作貞

王德真武后時為納言又為侍中後以罪流象州詩一首

奉和聖製過溫湯

握圖開萬寓屬聖啓千年驪阜疏緹騎駕鴻映綵旃玉霜鳴鳳野金陣藻龍川祥煙聚危岫德水溢飛泉停輿興睿覽還舉大風篇

鄭義真

鄭義真高宗時人詩一首

奉和聖製過溫湯

洛川方駐蹕，豐野暫停鑿。  
湯泉恒獨涌，溫谷豈知寒。  
漏鼓依巖畔，相風出樹端。  
嶺煙遙聚草，山月迥臨鞍。  
日用誠多幸，天文遂仰觀。

蕭楚材

蕭楚材高宗時為太常博士詩一首

奉和展禮岱宗塗經濮濟

拂漢星旗轉分霄日羽明將追會阜跡更勒岱宗銘  
林戈咽濟岸獸鼓震河庭葉箭凌寒矯鳥弓望曉驚已降  
汾水作仍深迎渭情

薛克一作堯構

薛克構天授中官至麟臺監詩一首

奉和展禮岱宗塗經濮濟

龍圖冠胥陸鳳駕指云亭非煙泛濟浦綠字啟河汀畫

裳晨應月文戟曙分星四田巡揖禮三驅道契經行欣  
奉萬歲竊抃偶千齡

徐珩

徐珩高宗時人詩一首

日暮望涇水

導源徑隴阪屬汭貫羸都下瀨波常急迴折溜亦紆毒  
流秦卒斃泥糞漢田腴獨有迷津客懷歸軫暮途

賀遂亮

賀遂亮官御史詩一首

贈韓思彥

唐新語云遂亮與思彥同在憲臺欽思彥之風韻贈詩

意氣百年內平生一寸心欲交天下士未而已虛襟君子重名義直道冠衣簪風雲行可託懷抱自然深落霞  
靜霜景墜葉下風林若上南登岸希訪北山岑

韓思彥

韓思彥與賀遂亮同官御史高宗時待詔弘文館上元

中卒詩一首

酬賀遂亮

古人一言重嘗謂百年輕今投歡會面顧盼盡平生簪  
裾非所託琴酒翼相併累日同游處通宵欵素誠霜飄  
知柳脆雪冒覺松貞願言何所道幸得歲寒名

魏求已

魏求已官御史謫山陽丞詩一首

自御史左授山陽丞

朝昇照日檻夕次下烏臺風竿一眇邈月樹幾裏回翼

向高標歛聲隨下調哀懷燕首自白非是為年催

劉懷一


劉懷一瀛州司法拜右臺殿中侍御史詩一首

贈右臺監察鄧茂遷左臺殿中

惟昔參多士無雙仰異才鷹鸇同效逐鶴鷺忝游陪入  
仕光三命遷榮歷二臺隔牆欽素躅對問限清埃紫署  
春光早蘭闈曙色催誰言夕鳥至空想鄧林隈

御定全唐詩卷四十四

謹案卷四十一第八頁前一行峻阻埒長城刊本  
埒訛將據別本改



總校官庶吉士臣張能照

校對官檢討臣龔大萬

謄錄監生臣胡金石

欽定四庫全書叢要

集部

御定全唐詩卷四十八

五至八

臣紀昀詳校

詳校官候補通政司經歷臣郭祚職

欽定四庫全書叢要卷一萬七千四百五十

集部

御定全唐詩卷四十五

杜易簡

杜易簡襄陽人九歲能屬文及長博學有高名姨  
兄岑文本推重之登進士第累轉殿中侍御史咸亨中  
為考功員外郎坐黨襄行儉左遷開州司馬集二十卷

存詩二首

湘川新曲二首

昭潭深無底橘洲淺而浮本欲凌波去翻為目成

一作挑

留願君稍弭櫂無令賤妾羞

二八相招攜采菱渡前谿弱腕隨橈起纖腰向舸低自

解看花笑憎聞染竹啼

陳元光

陳元光字廷炬光州人高宗朝以左郎將戍閩進嶺南行軍總管奏開漳州為郡世守刺史詩三首

落成會詠一首

泉潮天萬里一鎮屹天中筮宅龍鍾地承恩燕翼宮環  
堂巍嶽秀帶礪大江雄輪奐雲霄望晶華日月通凌煙  
喬木茂獻寶介圭崇昆俊歌常棣民和教即戎盤庚遷  
美土陶侃效兼庸設醴延張老開軒禮呂蒙無孤南國  
仰庶補聖皇功

示珣

元光子也

恩銜楓陛渥策向桂淵弘載筆沿儒習持弓纘祖風祛  
災勦猛虎溥德翊飛龍日閱書開吉星言駕勸農勤勞

思命重戲謔逐時空百粵霧紛滿諸戎澤普通願言加

壯努力勿坐鬢霜蓬

太母魏氏半徑題石

喬岳標仙蹟玄扃妥壽姬烏號非嶺海鶴仰向京師繫牒公侯喬懸弧將相兒清貞蜚簡籍規範肅門楣萬里提兵路三年報母慈劖埋龍守壤石卧虎司碑憂閨情猶結祥回禪屆期竹符忠介凜桐杖孝思淒許史岣嶥篆曹侯感舊詩鴻濛山暝啓駿彩德昭垂華表瑤池冥

清漳玉樹昭題盟岳瀆展墓慶重熙

許天正

許天正汝南人為陳元光副使博學能文歷宣威將軍詩一首

和陳元光平潮寇詩

元光贈詩云參軍許天正  
是用紀邦勛天正和之

抱磴從天上驅車返嶺東氣昂無醜虜策妙詘羣雄飛  
絮隨風散餘氛嚮日鎔長戈收百甲聚騎破千重落劒  
惟戎首游繩繫脅從四野無堅壁羣生未化融龍湖膏

澤下早晚徧枯窮

許園師

許園師安陸人有器幹博涉藝文舉進士顯慶中累遷黃門侍郎同中書門下三品四遷為左相坐事貶刺史吏有犯贓園師賜清白詩以激之遂改節為廉士其寬厚如此詩一首

詠牛應制

逸足還同驥奇毛自偶麟欲知花跡遠雲影入天津

趙謙光

趙謙光咸亨中登進士第自彭州司馬入為大理正遷

戶部郎中詩一首

答戶部員外郎遂涉戲贈

唐時郎中不自員外  
拜者謂之土山頭故

遂涉戲謙光曰員外由來美郎中望亦  
復寧知粉署裏翻作土山頭謙光答之

錦帳隨情設金鑪任意熏惟愁員外署不應列星文

鄭惟忠

鄭惟忠宋州人儀鳳中舉進士則天召見稱旨授胄曹

參軍再遷鳳閣舍人中宗即位拜黃門侍郎守大理卿  
推斷大獄多所全活開元初為禮部尚書太子賓客詩  
一首

送蘇尚書赴益州

離憂將歲盡歸望逐春來庭花如有意留  
一作君豔待人

開

張鷟

張鷟字文成深州深澤人兒時夢紫色大鳥五彩成文

降於家庭其祖謂之曰五色赤文鳳也紫文鸞鷟也為  
鳳之佐吾兒當以文章瑞於明廷因以為名字調露中  
登進士第八中制科四參選判員半千謂人曰張子之  
文如青錢萬簡選中未聞退時因號青錢學士開元中  
歷司門員外郎其文遠播外夷撰朝野僉載及龍筋鳳  
髓判百道詩一首

詠燕

變石身猶重銜泥力尚微從來赴甲第兩起一雙飛

按唐

新語此是未  
章非全篇也

# 李福業

李福業調露二年進士登第後為侍御史五王誅二張亦與謀及敗放於番禺匿志州參軍敬元禮家吏獲之就刑詩一首

# 嶺外守歲

一作李  
德裕詩

冬去更籌盡春隨斗柄迴寒暄一夜隔客鬢兩年催

# 薛存惑

薛脊惑善投壺背後投之龍躍隼飛百發百中時推為

絕藝詩一首

奉和進船洛水應制

一作孫  
遊詩

禁園紵睿覽仙權叶宸

一作時

遊洛北風花樹江南彩畫

舟榮

芳一作

生蘭蕙草春入鳳皇樓興盡離官幕煙光起

夕流

賀戩

賀戩山陰人歷官率更令崇文館學士詩一首

奉和九月九日應制

商飈凝素籥玄覽賁黃圖曉霜驚斷雁晨吹結栖一作相

烏寒花低岸菊涼葉下庭梧澤宮申舊典相圃叶前模  
玉砌分雕戟金溝轉鏤衝帶星飛夏箭映月上軒弧慶  
展簪裾洽恩融雨露濡天文發丹篆寶思掩玄珠承歡  
徒抃舞負弛竊忘軀

御定全唐詩卷四十五

欽定四庫全書  
欽定四庫全書  
欽定全唐詩卷一萬七千四百五十一

集部

御定全唐詩卷四十六

狄仁傑

狄仁傑字懷英并州太原人舉明經授汴州判佐儀鳳  
中為大理丞斷滯獄萬餘人遷侍御史歷冬官侍郎充  
江南巡撫使奏毀淫祠天授初轉地官侍郎判尚書同  
鳳閣鸞臺平章事後為河北道元帥還授內史卒贈文  
昌右相仁傑急於舉賢所引拔桓彥範姚崇等至公卿

者數十人又嘗薦張柬之於武后以為有宰相才卒用為相果能迎歸中宗興復唐室仁傑之力也睿宗時追封梁國公詩一首

奉和聖製夏日遊石淙山

石淙山在今河南登封縣東南三十里有

天后及羣臣侍宴詩并序刻北崖上其序云石淙者即平樂磽其詩天后自製七言一首侍遊應制皇太子顯右奉裕率兼檢校安北大都護相王旦太子賓客上柱國梁王三思內史狄仁傑奉宸令張易之麟臺監中山縣開國男張昌宗寫臺侍郎李嶠鳳閣侍郎蘇味道夏官侍郎姚元崇給事中閻朝隱鳳閣舍人崔融奉宸大夫汾陰縣開國男薛曜守給事中徐彥伯右玉

銓衡郎將左奉宸內供奉楊敬述司封員外于  
季子通事舍人沈佺期各七言一首薛曜奉勅  
正書刻石時久視元年五月十九日也按此事  
新舊唐書俱未之載世所傳詩亦缺而不全今  
從碑刻補

入各集中

宸暉降望金輿轉仙路崢嶸碧澗幽羽仗遙臨鸞鶴駕  
帷宮直坐鳳麟洲飛泉灑液恒疑雨密樹含涼鎮似秋  
老臣預陪懸圃宴餘年方共赤松遊

魏元忠

魏元忠宋州人初為太學生累舉不調時有左史蓋屋

人江融撰九州設險圖備載古今用兵成敗之事元忠就傳其術儀鳳中上封事馭吐蕃授秘書正字則天時以平徐敬業功擢司刑後拜鳳閣侍郎同平章事獨不附二張中宗朝遷中書令以預節愍太子誅武三思謀貶渠州司馬詩二首

修書院學士奉勅宴梁王宅

賦得  
門字

大君敦宴賞萬乘下梁園酒助閒平樂人霑雨露恩榮光開帳殿佳氣滿旌門願陪南岳壽長奉北宸樽

銀潢一作漢 宮侍宴應制

得枝

別殿秋雲上離宮夏景移寒風生玉樹涼氣下瑤池  
塹花仍吐葉巖木一作菌 尚抽枝願奉南山壽千秋長若斯

韋承慶

韋承慶字延休鄭州陽武人事繼母以孝聞舉進士官太子司議屢有諫納長壽中累遷鳳閣侍郎三掌天官選事銓授平允尋知政事神龍初坐附張易之流嶺表起為秘書少監授黃門侍郎未拜卒集六十卷今存詩

七首

折楊柳

萬里邊城地三春  
楊柳節葉似鏡中  
眉花如鬪外雪征  
人遠鄉思倡婦  
高樓別不忍擲年華  
含情寄攀折

寒食應制

鳳城春色晚一作滿  
龍禁早暉通舊火  
收槐燧餘寒入桂宮  
鶯啼正隱葉雞鬪始開籠  
藹藹瑤山滿仙歌始樂風

凌朝浮江旅思

一作馬周詩

天晴上初日春水送孤舟山遠疑無樹潮平似不流岸  
花開且落江鳥沒還浮羈望傷千里長歌遣四一作客  
愁

直中書省

清切鳳皇池扶疎雞樹枝唯應集鸞鷺何為宿羈雌大  
造乾坤闢深恩雨露垂昆蟲皆含養駕駘亦驅馳木偶  
翻為用芝泥忽濫窺九思空自勉五字本無施徒喜逢  
千載何階答二儀螢光向日盡蚊力負山疲禁宇庭除  
潤閒宵鐘箭移暗花臨戶發殘月下簾欹白髮隨年改

丹心為主披命將時共泰言與行俱危寄謝巢由客堯

年正

一作復

在斯

南行別弟

澹澹長江水悠悠遠客情落花相與恨到地一無聲

南中詠雁

一作于季子詩

題作南行別弟

萬里人南去三春

一作秋

雁北飛不知何歲月得與爾

一作

汝同歸

江樓

獨酌芳春酒登樓已半醺誰驚一行雁衝斷過江雲

李懷遠

李懷遠邢州柏仁人擢四科第累除司禮少卿則天時  
為鸞臺侍郎神龍初兵部尚書同中書門下三品集八  
卷今存詩一首

凝碧池侍宴看競渡應制

上苑清鑾路高居重豫遊前對芙蓉沼傍臨杜若洲地  
如玄扈望波似洞庭秋列筵飛翠筳分曹戲鷁舟湍高

耀影沒岸近榜歌迺舞曲依鸞殿簫聲下鳳樓忽聞天上樂疑逐海查流

崔日用

崔日用滑州靈昌人進士舉大足元年為宗楚客稱薦擢新豐尉神龍中附楚客三思驟遷兵部侍郎兼修文館學士復預討韋庶人謀授黃門侍郎參知機務開元中拜吏部尚書終并州大都督長史詩九首

奉和九月九日登慈恩寺浮圖應制

紫宸歡每洽紺殿法初隆菊泛延齡酒蘭吹解悵風咸  
英調正樂香梵徧秋空臨幸浮天瑞重陽日再中

奉和聖製送張說巡邊

軒相推風后周官重夏卿廟謀能允廸韜略又縱橫吉  
日四黃馬宣王六月兵擬清雞鹿塞先指朔方城列將  
懷威撫匈奴畏盛名去當推轂送來佇出郊迎絕漠蓬  
將斷華筵槿正榮壯心看舞劒別緒應懸旌睿錫承優  
旨乾文復寵行暫勞期永逸赫矣振天聲

奉和立春遊苑迎春應制

乘時迎氣正，璿衡灞灘煙。氣向晚

一作曉

清剪綺裁紅妙

春色宮梅殿，柳識天情瑤。筐綠燕先呈，瑞金縷。晨雞未

學

一作欲

鳴聖澤，陽和宜宴樂。年年捧日向東城。

奉和聖製春日幸望春宮應制

東郊風

一作草

物正熏，馨素灌。鳬鷺戲綠汀，鳳閣斜通平

長一作

樂觀龍旂直，逼望春亭光。

風搖動

一作遙艷

蘭英紫淑

氣

一作景

依遲柳色青，渭浦明。晨修禊事羣公傾，賀水心

銘

奉和人日重宴大明宮恩賜綵縷人勝應制

一作

正月七日

宴大明殿

新年宴樂坐

一作

東朝鍾鼓鏗鏗大樂調金屋瑤筐聞

寶勝花箋綵筆頌春椒曲池

江一作

苔色冰前液上苑梅

香雪裏嬌

一作飄

宸極此時飛聖藻微臣竊抃預聞韶

奉和聖製龍池篇

龍興白水漢興符聖主時乘運斗樞岸上芊葦五花樹

波中的礫千金珠操環昔聞迎夏啓發匣先來瑞有虞  
風色雲光隨隱見赤雲神化象江湖

夜宴安樂公主宅

銀燭金屏坐碧堂只言河漢動神光主家盛時明一作觀  
不極才子能歌夜未央

錢唐永昌

洛陽桴鼓今不鳴朝野咸推重太平冬至冰霜俱怨別  
春來花鳥若為情

奉和送金城公主適西蕃

聖后經綸遠謀臣計畫多受降追漢策築館計戎和俗化烏孫壘春生積石河六龍今出餞雙鶴願為歌

句

彼名流兮左氏癖意玄遠兮冠今夕

贈武平一

宗楚客

宗楚客字子敖蒲州河東人則天從父姊之子也累遷夏官侍郎同鳳閣鸞臺平章事神龍中武三思引為兵

部尚書同知政事拜中書令與侍中紀處訥共為朋黨

後伏誅詩六首

奉和人日清暉閣宴羣臣遇雪應制

景龍三年

窈窕神仙閣參差雲漢間九重中葉一作禁啓七日早春

還太液天為水蓬萊雪作山今朝上林樹無處不堪攀

安樂公主移入新宅侍宴應制

景龍三年十一月一日

星橋他日創仙榜此時開馬向鋪錢埒簫聞弄玉臺人

同疑

一作是

衛叔美客似

一作有

長卿才借問遊天漢誰能

取一作帶  
石回

正月晦日侍宴澨水應制賦得長字

景龍四年

御輦出明光

乘流一作舟

泛羽觴珠胎隨月減玉漏與年

長寒盡梅猶白風遲柳未黃日斜旌騎轉休氣滿

一作展

林塘

奉和幸上陽宮侍宴應制

紫庭金鳳闕丹禁玉雞川似立蓬瀛上疑遊崑崙前鳥  
將歌合轉花共錦爭鮮湛露飛堯酒熏風入舜絃水光

搖落日樹色帶晴煙向夕迴  
瑣輦佳氣滿巖泉

奉和幸安樂公主山莊一作西園應制

玉樓銀榜枕巖城翠蓋紅旛列禁營日映層巖圖畫色  
風搖雜樹管絃聲水邊重閣含飛動雲裏孤峰類似一作  
削成幸覩八龍遊閬苑一作幸陪七聖遊崑崙無勞萬里訪蓬瀛

奉和聖製喜雪應制

飄飄瑞雪下山川散漫輕飛集九埏似絮還飛垂柳陌  
如花更繞落梅前影隨明月團紈扇聲將流水誰鳴絃

共荷神功萬庾積終朝聖壽百年

句

竹町羅千衛蘭筵降兩宮

以下並應制  
海錄碎事

七草饗興動

千年瑞檢開綵旗臨鳳闕翠幕遠龜津

蘇瓌

蘇瓌字昌容京兆武功人弱冠舉進士初授豫王府錄事參軍為王德真劉禕之所器重長安中累遷揚州大都督長史神龍初入為尚書右丞再遷戶部尚書尋加

侍中充西京留守拜尚書右僕射同中書門下三品進  
封許國公睿宗立轉左僕射以正立朝獨申讜論開元  
中詔與劉幽求配享睿宗廟庭集十卷今存詩二首

奉和九日幸臨渭亭登高應制得暉字

重陽早露晞睿賞瞰秋磯菊氣先熏酒萸香更襲衣清  
切絲桐會縱橫文雅飛恩深答效淺留醉奉宸暉

興慶池侍宴應制

金闕平明宿霧收瑤池式宴俯清流瑞鳳飛來隨帝輦

祥魚出戲躍王舟帷齊綠樹當筵密蓋轉綯荷接岸浮  
如臨竊比微臣懼若濟叨陪聖主遊

御定全唐詩卷四十六

欽定四庫全書  
欽定全唐詩卷一萬七千四百五十二

集部

御定全唐詩卷四十七

張九齡

張九齡字子壽韶州曲江人七歲知屬文擢進士始調校書郎以道侔伊呂科為左拾遺進中書舍人出為冀州刺史以母不肖去鄉里表換洪州都督徙桂州兼嶺南按察選補使以張說薦為集賢院學士俄拜中書侍郎同平章事遷中書令為李林甫所忮改尚書右丞相

罷政事貶荊州長史請歸還展墓卒謚文獻九齡風度  
醞藉在相位有謇諤匪躬之誠以直道黜不戚戚嬰望  
惟文史自娛嘗識安祿山必反請誅不許後明皇在蜀  
思其言遣使致祭卹其家集二十卷今編詩三卷

奉和聖製燭龍齋祭

上帝臨下鑒亦有光孰云陰隲惟聖克彰六月徂暑四  
郊愆陽我后其勤告于壇場精意允溢羣靈鼓舞蔚兮  
朝雲沛然時雨雨我原田亦既有年燭龍煌煌明宗報

祀于以助之天人帝子聞詩有訓國風茲始

奉和聖製喜雨

艱我稼穡載育載亭隨物應之曷聖與靈謂我何憑惟  
德之馨誰云天遠以誠必至太清無雲羲和頓轡于斯  
烝人瞻彼非覩陰冥倏忽沛澤咸洎何以致之我后之  
感無臯無隰黍稷點點無卉無木敷芬黝黝黃龍勿來  
鳴鳥不思人和年豐皇心則怡豈與周宣雲漢徒詩

南郊文武出入舒和之樂

祝史辭正人神慶叶福以德昭享以誠接六變云備百  
禮斯浹祀事孔明祚流萬葉

奉和聖製幸晉陽宮

隋季失天策萬方罹凶殘皇祖稱義旗三靈皆獲安聖  
期將一作朝持申錫王業成艱難盜移未改命厯在終履端  
彼汾惟帝鄉雄都信鬱盤一月朔巡狩羣后陪清鑾霸  
跡在沛庭舊儀覩漢官唐風思何深舜典敷更寬戶蒙  
粉榆復邑爭牛酒歡緬惟翦商後豈獨微禹歎三后既

在天萬年斯不刊尊祖實我皇天文皆仰觀

奉和聖製次成臯先聖擒建德之所

天命誠有集王業初惟艱翦商自文祖夷項在茲山地  
識斬蛇處河臨飲馬間威加昔運往澤流今聖還尊祖  
頌先烈賡歌安用攀紹成即我后封岱出天關

奉和聖製賜諸州刺史以題座右

聖人合天德洪覆在元元每勞蒼生念不以黃屋尊興  
化俟羣辟擇賢守列藩復人此為盛咨岳今復存降鑒

引君道殷勤啓政門容光無不照有象必為言成憲知  
所奉致理歸其根肅肅稟玄猷煌煌戒朱軒豈徒任遇  
重薰爾宴錫繁載聞勵臣節持答明主恩

奉和聖製送十道採訪使及朝集使

三年一上計萬國趨河洛課最力已陳賞延恩復博垂  
衣深共理改瑟其咸若首路廻竹符分鑾揚木鐸戒程  
有攸往詔餞無淹泊昭晰動天文殷勤在人瘼持久望  
茲念克終期所託行矣當自強春耕庶秋獲

奉和聖製謁玄元皇帝廟齋

興運昔有感建祠北山巔雲雷初締構日月今悠然紫氣尚翁鬱玄元如在焉迨茲事追遠輪奐復增鮮洞府香林處齋壇清漢邊吾君乃尊祖夙駕此留連樂動人神會鐘成律度圓笙歌下鸞鶴芝木萃靈仙曾是福黎庶豈唯味虛玄賡歌徒有作微薄謝昭宣

巫山高

巫山與天近烟景長青熒此中楚王夢夢得神女靈神

女去已久雲雨空冥冥唯有巴猿嘯哀音不可聽

和黃門盧監望秦始皇陵

秦帝始求仙驪山何遽卜中年既無效茲地所宜復徒役如雷奔珍怪亦雲蓄黔首無寄命赭衣相追逐人怨神亦怒身死宗遂覆土崩失天下龍闢入函谷國為項籍屠君同華元戮始掘既由楚終焚乃因牧上宰議揚賢中阿感桓速一聞過秦論載懷空杼軸

酬周判官巡至始興會改祕書少監見貽之作

兼呈耿廣州

惟昔遷樂土迄今已重世陰慶荷先德素風慙後裔唯  
益桑梓恭豈稟山川麗于時初自勉揆已無兼濟瘠土  
資勞力良書啓蒙蔽一探石室文再擢金門第既起南  
宮草復掌江湖澨勿謂符竹輕但覺涓塵細一麾尚云忝  
秩轉牧江湖澨勿謂符竹輕但覺涓塵細一麾尚云忝  
十駕宜求稅心息已如灰跡牽且為贅忽捧天書委將  
革海隅弊朝聞循誠節夕飲蒙瘴厲義疾恥無勇盜憎

攻亦銳葵藿是傾心豺狼何反噬履險甘所受勞賢恧  
相曳攬轡但荒服循陔便私第嘉慶始獲申恩華復相  
繼無庸我先舉同事君猶滯當推奉使績且結拜親契  
更延懷安旨曾是慮危際善謀雖若茲至理焉可替所  
仗有神道况承明主惠

和吏部李侍郎見示秋夜望月憶諸侍郎之什  
其卒章有前後行之戲因命僕繼作

清秋發高興涼月復閒宵光逐露華滿情因水鏡搖同

時亦所見異路無相招美景向空盡歡言隨事銷忽聽  
金華作誠如玉律調南宮尚為後東觀何其遼名數雖  
云隔風期幸未遙今來重餘論懷此更終朝

登南嶽事畢謁司馬道士

將命祈靈嶽迴策詣真士絕跡尋一徑異香聞數里分  
庭八桂樹肅容兩童子入室希把袖登牀願啟齒誘我  
棄智訣迨茲長生理吸精反自然鍊藥求不死斯言眇  
霄漢顧余嬰紛滓相去九牛毛慙歎知何已

# 九月九日登龍山

郡庭常窘束涼野求昭曠楚客凜秋時桓公舊臺上清  
明風日好歷落江山望極遠何蕭條中留坐惆悵東彌  
夏首閼西拒荆門壯夷險雖異時古今豈殊狀先賢杳  
不接故老猶可訪投弔傷昔人揮斤感前丘自為本疎  
散未始忘幽尚際會非有欲往來是无妄為邦復多幸  
去國殊遷放且汎籬下菊還聆郢中唱灌園亦何為於  
陵乃逃相

登郡城南樓

閑閣幸無事登樓聊永日雲霞千里開洲渚萬形出澹  
澹澄江漫飛飛度鳥疾邑人半艤艦津樹多楓橋感別  
時已屢憑眺情非一遠懷不我同孤興與誰悉平生本  
單緒邂逅承優秩謬忝為邦寄多慙理人術駕鉛雖自  
勉倉廩素非實陳力倘無効謝病從芝术

歲初巡屬縣登高安南樓言懷

山城本孤峻憑高結層軒江氣偏宜早林英粲已繁餘

滋含宿霽衆妍在朝暎拂衣釋簿領伏檻遺紛喧深俯  
東溪澳遠延南山樊歸雲納前嶺去鳥投遙村日盡有  
餘意心惻不可谖竭來彭蠡澤載經敷淺原春及但生  
思時哉無與言不才叨過舉唯力酬明恩美化猶寂蔑  
迅節徒飛奔雖無成立効庶以去思論行復徇孤迹亦

云吾道存

秋晚登樓望南江入始興郡路

潦收沙衍出霜降天宇晶伏檻一長眺津途多遠情思

來江山外望盡煙雲生滔滔不自辨役役且何成我來  
颯衰鬢孰云飄華纓櫨馬苦跋跼籠禽念遐征歲陰向  
日晚日夕空屏營物生貴得性身累由近名內顧覺今  
是追歎何時平

登古陽雲臺

庭樹日衰颯風霜未已駕言遣憂思乘興求相似楚  
國茲故都蘭臺有餘址傳聞襄王世仍立巫山祀方此  
全盛時豈無婵娟子色荒神女至魂蕩宮觀啟蔓草今

如積朝雲為誰起

與生公尋幽居處

同方久厭俗相與事遐討及此雲山去窅然巖徑好疑  
入武陵源如逢漢陰老清諧欣有得幽閒歛盈抱我本  
玉階侍偶訪金仙道茲焉求卜築所過皆神造歲晚林  
始敷日晏崖方果不種緣嶺竹豈植臨潭草即途可淹  
留隨日成黼藻期為靜者說曾是終焉保今為簡書畏  
祇令歸思浩

與生公遊石窟山

探祕孰云遠忘懷復爾同日尋高深意宛是神仙中躋  
險構靈室詭制非人功潛洞黝無底殊庭忽似夢豈如  
武安鑿自若茅山通造物良有寄嬉遊迺愴衷猶希咽  
玉液從此昇雲空咄咄共攜手冷然且馭風

郡舍南有園畦雜樹聊以永日

為郡久無補越鄉空復深苟能秉素節安用叨華簪却  
步園畦裏追吾野逸心形骸拘俗吏光景賴閒林內訟

誠知止外言猶匪忱成蹊謝李徑衛足感葵陰榮達豈  
不偉孤生非所任江城何寂歷秋樹亦蕭森下有北流  
水上有南飛禽我願從歸翼無然坐自沈

臨泛東湖

時任洪州

郡庭日休暇湖曲邀勝踐樂職在中和靈一作虛心挹上  
善乘流坐清曠舉目眺悠緬林與西山重雲因北風卷  
晶明畫不逮陰影鏡無辨晚秀復芬敷秋光更遙衍萬  
族紛可佳一遊豈能展羈孤忝邦牧顧已非時逸梁一

長

公世不容長孺心亦褊永念出籠繫常思退疲塞歲

徂風露嚴日恐蘭苔一作若

剪佳辰不可得良會何其鮮

罷興還江城閉關聊自遣

始興南山下有林泉嘗卜居焉荊州卧病有懷  
此地

出處各有在何者為陸沈幸無迫賤事聊可祛迷襟世  
路少夷坦孟門未嶇嶽多慚入火術常惕履冰心一跌  
不自保萬全焉可尋行行念歸路眇眇惜光陰浮生如

過隙先達已吾箴敢忘丘山施亦云年病侵力衰在所  
養時謝良不任但憶舊棲息願言遂窺臨雲間目孤秀  
山下面清深蘿蔞自為幄風泉何必琴歸此老吾老還  
當日千金

晨坐齋中偶而成詠

寒露潔秋空遙山紛在矚孤頂乍修聳微雲復相續人  
茲賞地偏鳥亦愛林旭結念憑幽遠撫躬曷羈束仰霄  
謝逸翰臨路嗟疲足徂歲方睽攜歸心亟躡躅休閒倘

有素豈負南山曲

詠史

大德始無頗中智是所是居然已不一况乃務相詭小  
道致泥難巧言因萋毀禳侯或見遲蘇生得陰揣輕既  
長沙傅重亦邊郡徙勢傾不幸然跡在胡寧爾滄溟所  
為大江漢日來委澧澄一作水雖復清魚鼈豈游此賢哉

有小白讐中有管氏若人不世生悠悠多如彼

龍門旬宴得月字韻

恩華逐芳歲形勝兼韶月中席傍魚潭前山倚龍闕花迎妙妓至鳥避仙舟發宴賞一作衍良在茲再来情不歇

驪山下逍遙公舊居游集

君子體清尚歸處有兼資雖然經濟日無忘幽棲時卜居舊何所休幹嘗來茲岑寂罕人至幽一作高深獲我思松澗聆遺風蘭林覽餘滋往事誠已矣道存猶可追遺子後黃金作歌先紫芝明德有自來奕世皆秉彝豈與磻溪老崛起周太師我心希碩人逮此問元龜招悵既

懷遠沈吟亦省私已云寵祿過况在華髮衰軒蓋有迷  
復丘壑無磷縕感物重所懷何但止足斯

雜詩五首

孤桐亦胡爲百尺傍無枝疎陰不自覆修幹欲何施高  
岡地復迥弱植風屢吹凡鳥已相噪鳳皇安得知  
蘿蔴必有託風霜不能落酷在蘭將蕙甘從葵與藿運  
命雖爲宰寒暑自回薄悠悠天地間委順無不樂  
良辰不可遇心賞更蹉跎終日塊然坐有時勞者歌庭

前攬芳蕙江上託微波路遠無能達憂情空復多

湘水弔靈妃斑竹爲情緒漢水訪遊女解佩欲誰與同心不可見異路空延佇浦上青楓林津傍白沙渚行吟至落日坐望祇愁子神物亦豈孤佳期竟何許

木直幾自寇石堅亦他攻何言為用薄而與火膏同物

類累一作

有固然誰能取徑通纖纖良田草靡靡唯從風

日夜沫甘澤春秋等芳叢生性苟不夭香臭誰為中道家貴至柔儒生何固窮終始行一意無乃過愚公

感遇十二首

蘭葉

一作  
藥

春歲壯桂華秋皎潔欣欣此生意自爾為佳

節誰知林棲者聞風坐相見

一作  
悅草木有本

一作  
無心何

求美人折

幽林歸獨卧滯慮洗孤清持此謝高鳥因之傳遠情日夕懷空意人誰感至精飛沈理自隔何所慰吾誠

魚游樂深池鳥棲欲高枝嗟爾蜉蝣羽薨薨亦何為有生豈不化所感奚若斯神理日微滅吾心安得知浩歎

楊朱子徒然泣路岐

孤鴻海上来池潢不敢顧側見雙翠鳥巢在三珠樹矯  
矯珍木巔得無金丸懼美服患人指高明逼神惡今我  
遊冥冥弋者何所慕

吳越數千里夢寐今夕見形骸非我親衾枕即鄉縣化  
蝶猶不識川魚安可羨海上有仙山歸期覺神變

西日下山隱北風乘夕流燕雀感昏旦簷楹呼匹儔鴻  
鵠雖自遠哀音非所求貴人棄疵賤下士嘗殷憂衆情

累外物恕已忘內修感歎長如此使我心悠悠

江南有丹橘經冬猶綠林豈伊地氣暖自有歲寒心可  
以薦嘉客奈何阻重深運命唯所遇循環不可尋徒言  
樹桃李此木豈無陰

永日徒離憂臨風懷蹇修美人何處所孤客空悠悠青  
鳥跂不至朱鱉誰云浮夜分起躡躅時逝曷淹留

抱影吟中夜誰聞此歎息美人適異方庭樹含幽色白  
雲愁不見滄海飛無翼鳳凰一朝來竹花斯可食

漢上有游女求思安可得袖中一札書欲寄雙飛翼冥  
冥愁不見耿耿徒緘憶紫蘭秀空蹊皓露奪幽色馨香  
歲欲晚感歎情何極白雲在南山日暮長太息

我有異鄉憶宛在雲溶溶憑此目不覩要之心所鍾但  
欲附高鳥安敢攀飛龍至精無感遇悲惋填心胸歸來  
扣寂寞人願天豈從

閉門跡羣化憑林結所思嘯歎此寒木疇昔乃芳蕤朝  
陽鳳安在日暮蟬獨悲浩思極中夜深嗟欲待誰所懷

誠已矣既往不可追鼎食非吾事雲仙嘗我期胡越方  
杳杳車馬何遲遲天壤一何異幽嘿卧簾帷

江上遇疾風

疾風江上起鼓怒揚烟埃白晝晦如夕洪濤聲若雷投  
林鳥鋟羽入浦魚曝腮瓦飛屋且發帆快檣已摧不知  
天地氣何為此喧逐

南陽道中作

登郢屬歲陰及宛愬所適復聞東漢主遺此南都迹佳

氣藹厥初霸圖紛在昔茲邦稱貴近與世嘗薰赫遭遇  
感風雲變衰空草澤不識鄧公樹猶傳陰后石驅馬歷  
闢闔荆榛翳阡陌事去物無象感來心不憚懷古對窮  
秋興言傷遠客眇然遵歧路辛勤弊行役雲雁號相呼  
林虯走自索顧憶徇書劍未嘗安枕席豈暇墨突黔空  
持遠豕白迷復期非遠歸歟賞農隙

湘中作

湘流繞南嶽絕目轉青青懷祿未能已瞻途屢所經煙

嶼宜春望林猿莫夜聽永路日多緒孤舟天復冥浮沒  
從此去嗟嗟勞我形

彭蠡湖上

沿涉經大湖湖流多行決決晨趨北渚逗浦已酉日所  
適雖淹曠中流且間逸瑰詭良復多感見乃非一廬山  
直陽滌孤石當陰術一水雲際飛數峰湖心出象類何  
交糺形言豈深悉且知皆自然高下無相恤

入廬山仰望瀑布水

絕頂有懸泉喧喧出煙杪不知幾時歲但見無昏曉  
明青崖落鮮鮮白日皎灑流濕行雲滅沫驚飛鳥雷吼  
何噴薄箭馳入窈窕昔聞山下蒙今乃林巒表物情有  
詭激坤元曷紛矯默然置此去變化誰能了

出為豫章郡途次廬山東巖下

茲山鎮何所乃在澄湖陰下有蛟螭伏上與虹蜺尋靈  
仙未始曠窟宅何其深雙闕出雲峙三宮入煙沈攀崖  
猶昔境種杏非舊林想像終古跡惆悵獨往心紛吾嬰

世網數載忝朝簪孤根自靡託量力况不任多謝周身  
防常恐橫議侵豈匪鶴鴻列惕如泉壑臨迨茲刺江郡  
來此滌塵襟有趣逢樵客忘懷狎野禽棲閒義未果用  
拙歎在今願言答休命歸事丘中琴

巡屬縣道中作

春令夙所奉駕言遵此行途中却郡祿林下招村氓至  
邑無紛劇來人但歎迎豈伊念邦政爾實在時清短才  
濫符竹弱歲起柴荆再入江村道永懷山藪情矧逢陽

節獻默聽時禽鳴迹與素心別感從幽思盈流芳日不  
待夙志寃無成知命且何欲所圖唯退耕華簪極身泰  
衰鬢慙木榮苟得不可遂吾其謝世嬰

夏日奉使南海在道中作

緬然萬里路赫曦三伏時飛走逃深林流爍恐生疵行  
李豈無苦而我方自怡肅事誠在公拜慶遂及私展力  
慙淺效銜恩感深慈且欲湯火蹈况無鬼神欺朝發高  
山阿夕濟長江渭秋瘴寧我毒夏水胡不夷信知道存

者但問心所之呂梁有出入乃覺非虛詞

巡按自灘水南行

理棹雖云遠飲冰寧有惜  
况乃佳山川怡然傲潭石奇  
峰岌前轉茂樹隈中積猿鳥聲自呼風泉氣相激目因  
詭容逆心與清暉滌紛吾謬執簡行郡將移檄即事聊  
獨歎素懷豈兼適悠悠詠靡鹽庶以窮日夕

使還都湘東作

倉庚昨歸候陽鳥今去時感物遽如此勞生安可思養

真無上格圖進。豈前期清節往來苦壯容離別哀盛明。  
非不遇弱操自云私孤楫清川泊征衣寒露滋風朝津。  
樹落日夕嶺猿悲牽役而無悔坐愁祇自怡當須報恩。  
已終爾謝塵緇。

冬中至玉泉山寺屬窮陰冰閉崖谷無色及仲  
春行縣復往焉故有此作

靈境信幽絕芳時重暄妍再來及茲勝一遇非無緣萬  
木柔可結千花敷欲然松間鳴好鳥竹下流清泉石壁

開精舍金光照法筵真空本自寂假有聊相宣復此灰  
心者仍追巢頂禪簡書雖有畏身世亦相俱一作捐

郢城西北有大古塚數十觀其封域多是楚時  
諸王而年代久遠不復可識唯直西有樊妃塚  
因後人為植松柏故行路盡知之

蘋藻生南澗蕙蘭秀中林嘉名有所在芳氣無幽深楚  
子初逞志樊妃嘗獻箴能令更擇士非直罷從禽舊國  
皆湮滅先王亦莫尋唯傳賢媛隴猶結後人心牢落山

川意蕭疎松栢陰破牆時直上荒徑或斜侵蕙問終不  
絕風流獨至今千春思窈窕黃鳥復哀音

荊州作二首

先達志其大求意不約文士伸在知已已况仕於君微  
誠夙所尚細故不足云時來忽易失事往良難分顧念  
凡近姿焉欲殊常勲亦以行則是豈必素有聞千慮且  
猶失萬緒何其紛進士苟非黨免相安得羣衆口金可  
鑠孤心絲共棼意忠仗朋信語勇同敗軍古劍徒有氣

幽蘭祇自薰高秩向所忝於義如浮雲

千載一遭遇往賢所至難問余奚為者無階忽上搏明  
聖不世出翼亮非苟安崇高自有配孤陋何足干遇恩  
一時來竊位三歲寒誰謂誠不盡知窮力亦彈雖至負  
乘冠初無挾術鑽浩蕩出江湖翻覆如波濶心傷不材  
樹自念獨飛翰徇義在匹夫報恩猶一餐況乃山海澤  
效無毫髮端內訟已慙沮積毀今摧殘胡為復惕息傷  
鳥畏虛彈

在郡秋懷二首

寒一作

枝寂寞遊子思寤歎何人

知宦成名不立志存歲已馳五十而無聞古人深所疵  
平生去外飾直道如不羈未得操割效忽復寒暑移物  
情自古然身退毀亦隨悠悠滄江渚望望白雲涯露下  
霜且降澤中草離披蘭艾若不分安用馨香為

庭蕪生白露歲候感遐心策蹇慙遠途巢枝思故林小  
人恐致寇終日如臨深魚鳥好自逸池籠安所欽挂冠

東都門採蕨南山岑議道誠愧昔覽分還愜今撫然憂  
成老空爾白頭吟

忝官二十年盡在內職及為郡嘗積戀因賦詩  
馬

江流去朝宗晝夜茲不舍仲尼在川上子牟存闕下聖  
達有由然孰是無心者一郡苟能化百城豈云寡愛禮  
誰為羊戀主吾猶馬感初時不載思奮翼無假閒宇常  
自閉沈心何用寫攬衣步前庭登陴臨曠野白水生迢

遞清風寄瀟灑願言采芳澤終朝不盈把

二弟宰邑南海見羣雁南飛因成詠以寄

鴻雁自北來嗷嗷度煙景常懷稻梁惠豈憚江山永小  
大每相從羽毛當自整雙鳬侷晨泛獨鶴參宵警言為我  
更南飛因書至梅嶺

將發還鄉示諸弟

歲陽亦頽止林意日蕭槭云胡當此時緬邁復為客至  
愛孰能捨名義來相迫負德良不貲輸誠靡所惜一木

逢廈構纖塵願山益無力主君恩寧利客卿璧去去榮  
歸養撫然歎行役

叙懷二首

弱歲讀羣史抗迹追古人被褐有懷玉佩印從負薪志  
合豈兄弟道行無賤貧孤根亦何賴感激此為鄰  
晚節從卑秩歧路良非一既聞持兩端復見挾三術木  
爪誠有報玉楮論無實已矣直躬者平生壯圖失去去  
勿重陳歸來茹芝术

題畫山水障

心累猶不盡果爲物外牽偶因耳目好復假丹青妍嘗  
抱野間意而迫區中緣塵事固已矣秉意終不遷良工  
適我願妙墨揮巖泉變化合羣有高深侔自然置陳北  
堂上倣像南山前靜無戶庭出行已茲地偏萱草憂可  
樹合歡忿益蠲所因本微物況乃憑幽筌言象會自泯  
意色聊自宣對玩有佳趣使我心渺綿

奉和聖製瑞雪篇

萬年春三朝日上御明臺旅庭實初瑞雪兮霏微俄同  
雲兮蒙密此時騷切陰風生先過金殿有餘清信宿蟬  
娟飛雪度能使玉人俱掩嫭皓皓樓前月初白紛紛陌  
上塵皆素昨訝驕陽積數旬始知和氣待迎新匪惟在  
人利曾是扶一作占天意天意豈云遙雪下不崇朝皇情  
玩無斁雪委方盈尺草樹紛早榮京坻宛先積君恩誠  
謂何歲稔復人和預數斯箱慶應如此雪多朝冕旒兮  
載悅想薹笠兮農節倚瑤琴兮或歌續薰風兮瑞雪福

浸昌應尤盛瑞雪年年常感聖願以柏梁作長為柳花  
詠

奉和聖製溫泉歌

有時神物待聖人去後湯還冷來時樹亦春今茲十月  
自東歸羽旆逶迤上翠微溫谷葱葱佳氣色離宮奕奕  
叶光輝臨渭川近天邑浴日溫泉復在茲羣仙洞府那  
相及吾君利物心玄澤浸蒼黔漸漬神湯無疾苦薰歌  
一曲感人深

南郊太尉酌獻武舞作凱安之樂

馨香惟后德明命光天保肅祀崇聖靈陳信表黃道玉  
戚初蹈厲金匏既靜好介福何穰穰精誠格穹昊

御定全唐詩卷四十七

欽定四庫全書  
欽定四庫全書  
欽定四庫全書  
欽定四庫全書  
欽定四庫全書  
欽定四庫全書  
欽定四庫全書  
欽定四庫全書  
欽定四庫全書  
欽定四庫全書

集部

御定全唐詩卷四十八

張九齡

奉和聖製經孔子舊宅

孔門太山下不見  
登封時徒有先王法  
今為明主思恩加  
萬乘幸禮致一牢  
祠舊宅千年外光華  
空在茲

奉和聖製次瓊嶽韻

山祇亦望幸雲雨  
見靈心嶽館逢朝霧  
關門解宿陰咸

京天上近清渭日邊臨我武因冬狩何言是即禽

奉和聖製送李尚書入蜀

眷言感忠義何有間山川徇節今如此離情空復然皇  
心在勤恤德澤委昭宣周月成功後明年或勞還

奉和聖製初出洛城

東上海龍駕西人望翠華山川祇詢物宮觀豈為家十  
月回星斗千官捧日車洛陽無怨思巡幸更非賒

奉和聖製途次陝州作

馳道當河陝陳詩問國風川原三晉別襟帶兩京同後殿函關盡前旌闕塞通行看洛陽陌光景麗天中

勅賜寧王池宴

賢王有池館明主賜春遊淑氣林間發恩光水上浮徒

慙參一作

和鼎地終謝巨濟一作

川舟皇澤空如此輕生莫

可酬

天津橋東旬宴得歌字韻

清洛象天河東流形勝多朝來逢宴喜春盡却妍和泉

鮆歡時躍林鶯醉裏歌賜恩頻若此爲樂奈人何

上陽水窗旬宴得移字韻

河漢非應到汀洲忽在斯仍逢帝樂下如逐海槎窺春  
賞時將換皇恩歲不移今朝遊宴所莫比天泉池

折楊柳

纖纖折楊柳持此寄情人一枝何足貴憐是故園春遲  
景那能久芳菲不及新更愁征戍客容鬢老邊塵

剪綵

婉女矜容色為花不讓春既爭芳意早誰待物華真葉  
作參差發枝從點綴新自然無限態長在艷陽晨人一作

和崔黃門寓直夜聽蟬之作

蟬嘶玉樹枝向夕惠風吹幸入連宵聽應緣飲露知思  
深秋欲近聲靜夜相宜不是黃金飾清香徒爾為

和姚令公從幸溫湯喜雪

萬乘飛黃馬千金狐白裘正逢銀霰積如向玉京遊瑞  
色鋪馳道花文拂綵旒還聞吉甫頌不共郢歌儔

立春日晨起對積雪

忽對林亭雪瑤華處處開今年迎氣始昨夜伴春回玉潤窗前竹花繁院裏梅東郊齋祭所應見五神來

三月三日申王園亭宴集

稽亭追往事睢苑勝前聞飛閣凌芳樹華池落綵雲藉草人留酌銜花鳥赴羣向來同賞處惟恨碧林曛

三月三日登龍山

伊川與灞津今日祓除人豈似龍山上還同湘水濱衰

顏憂更老淑景望非春禊飲豈吾事聊將偶俗塵

和王司馬折梅寄京邑昆弟

離別念同嬉芬榮欲共持獨攀南國樹遙寄北風時林  
惜迎春早花愁去日遲還聞折梅處更有棣華詩

晚霧登王六東閣

試上江樓望初逢山雨晴連空青嶂合向晚白雲生彼  
美要殊觀蕭條見遠情情來不可極日暮水流清

蘇侍郎紫薇庭各賦一物得芍藥

仙禁生紅藥微芳不自持幸因清切地還遇艷陽時名  
見桐君錄香聞鄭國詩孤根若可用非直愛華滋

和黃門盧侍御詠竹

清切紫庭垂歲蕤防露枝色無玄月變聲有惠風吹高  
節人相重虛心世所知鳳凰佳可食一去一來儀

和韋尚書答梓州兄南亭宴集

棠棣聞餘興烏衣有舊遊門前杜城陌池上曲江流暇  
日嘗繁會清風詠阻修始知西峙嶽同氣此相求

陸平原贈

弟有子為東

時歲之句

答陳拾遺贈竹簪

與君嘗此志因物復知心遺我龍鍾節非無玳瑁簪幽  
素宜相重雕華豈所任為君安首飾懷此代兼金

贈澧陽韋明府

君有百鍊刀堪斷七重犀誰開太阿匣持割武城雞竟  
與尚書佩遙應天子提何時遇操宰當使玉如泥

在洪州答綦母學士

旬雨不愆期由来自若時爾無言郡政吾豈欲天欺常  
念涓塵益惟歡草樹滋課成非所擬人望在東菴

酬王六霽後書懷見示

雲雨俱行罷江天已洞開炎氛霽後減邊緒望中來作  
驥君垂耳爲魚我曝鯉更憐湘水賦還是洛陽才

酬王六寒朝見詒

賈生流寓日揚子寂寥時在物多相背唯君獨見思漁  
爲江上曲雪作郢中詞忽枉兼金訊長懷伐木詩

林亭詠

穿築非求麗幽閑欲寄情偶懷因壞石真意在蓬瀛苔  
益山文古池添竹氣清從茲果蕭散無事亦無營

晨出郡舍林下

晨興步北林蕭散一開襟復見林上月娟娟猶未沈片  
雲自孤遠叢篠亦清深無事由來貴方知物外心

園中時蔬盡皆鋤理唯秋蘭數本委而不顧彼  
雖一物有足悲者遂賦二章

場藿已成歲園葵亦向陽蘭時獨不偶露節漸無芳旨  
異菁為蓄甘非蔗有漿人多利一飽誰復惜馨香

幸得不鋤去孤苗守舊根無心羨昔蓄豈欲近名園遇  
賞寧充佩為生莫礙門幽林芳意在非是爲人論

林亭寓言

林居逢歲晏遇物使情多衡莖不時與芬榮奈汝何更  
憐籬下菊無如松上蘿因依自有命非是隔陽和

送使廣州

家在湘源住君今海嶠行經過正中道相送倍為情心  
逐書郵去形隨世網嬰困聲謝遠別緣義不緣名

送姚評事入蜀各賦一物得卜肆

蜀嚴化已久沈冥空所思嘗聞賣卜處猶憶下簾時驅  
傳應經此懷賢倘問之歸來說往事歷歷偶心期

送竇校書見餞得雲中辨江樹

江水天連色無涯淨野氛微明岸傍樹凌亂渚前雲舉  
棹形徐一作隨轉登艤意漸分渺茫從此去空復惜離羣

錢王司馬入計同用洲字

元察行上計舉餞出林丘忽望題輿遠空思解榻遊別  
筵鋪柳岸征棹倚蘆洲獨歎湘江水朝宗向北流

東湖臨泛餞王司馬

南土秋雖半東湖草未黃聊乘風日好來汎芰荷香蘭  
棹無勞速菱歌不厭長忽懷京洛去難與共清光

餞濟陰梁明府各探一物得荷葉

荷葉生幽渚芳華信在茲朝朝空此地采采欲因誰但

恐星霜改還將蒲稗衰懷君美人別聊以贈心期

錢陳學士還江南同用徵字

荷蓀旋江澳銜杯餞霸陵別前林鳥息歸處海烟凝風  
土鄉情接雲山客念憑聖朝巖穴選應待鶴書徵

通化門外送別

屢別容華改長愁意緒微義將私愛隔情與故人歸薄  
宦無時賞勞生有事機離魂今夕夢先繞舊林飛

送楊道士往天台

鬼谷還成道天台去學仙行應松子化留與世人傳此  
地煙波遠何時羽駕旋當須一把袂城郭共依然

送楊府李功曹

平生屬良友結綬望光輝何知人事拙相與宦情非別  
路穿林盡征帆際海歸居然已多意況復兩鄉違

送寬句趙少府

解巾行作吏尊酒謝離居修竹含清景華池澹碧虛地  
將幽興愜人與舊遊疎林下紛相送多逢長者車

送韋城李少府

送客南昌尉離亭西候春野花看欲盡林鳥聽猶新別  
酒青門路歸軒白馬津相知無遠近萬里尚為鄰

送蘇主簿赴偃師

我與文雄別胡然邑吏

一作使

歸賢人安下位鶩鳥欲卑

飛激節輕華冕移官徇綵衣羨君行樂處從此拜庭闈

送廣州周判官

海郡雄蠻落津亭壯越臺城隅百雉映水曲萬家開里

樹桄榔出時禽翡翠來觀風猶未盡早晚使車回

郡江南上別孫侍御

雲嶂天涯盡川途海縣窮何言此地僻忽與故人同身  
負邦君弩情紆御史驄王程不我駐離思逐秋風

道逢北使題贈京邑親知

征驂稍靡靡去國方遲遲路遼南登岸情搖北上旗故  
人憐別日旅雁逐歸時歲晏無芳草將何寄所思

江上使風呈襄宣州耀卿

江路與天連風帆何森然遙林浪出沒孤舫鳥聯翩常  
愛千鈞重深思萬事捐報恩非徇祿還逐賈人船

溪行寄王震

山氣朝來爽溪流日向清遠心何處愜閒棹此中行一作  
轉逢空闊處  
聊洗滯留情叢桂林間待羣鷗水上迎徒然適我願幽  
獨為誰情

自豫章南還江上作

歸去南江水磷磷見底清轉逢空闊處聊洗滯留情浦

樹遙如待江鷗近若迎津途別有趣況乃濯吾纓

將至岳陽有懷趙二

湘岸一作浦

一作

多深林青冥晝結陰獨無謝客賞况復賈生

心草色雖云發天光或未臨江潭非所遇爲爾白頭吟

使還湘水

歸舟宛何處正值楚江平夕逗煙村宿朝緣浦樹行于  
役已彌歲言旋今憇情鄉郊尚千里流目夏雲生

初發道中寄遠

日夜鄉山遠秋風復此時舊聞胡馬思今聽楚猿悲念  
別朝昏苦懷歸歲月遲壯圖空不息常恐髮如絲

自湘水南行

落日催行舫逶迤洲渚間雖云有物役乘此更休閒暝  
色生前浦清暉發近山中流澹容與唯愛鳥飛還

初入湘中有喜

征鞍窮郢路歸棹入湘流望鳥唯貪疾聞猿亦罷愁兩  
邊楓作岸數處橘為洲却記從來意翻疑夢裏遊

耒陽溪夜行

乘夕棹歸舟緣源路轉幽月明看嶺樹風靜聽溪流嵐氣船間入霜華衣上浮猿聲雖此夜不是別家愁

江上

長林何繚繞遠水復悠悠盡日餘無見為心那不愁憶將親愛別行為主恩酬感激空如此芳時屢已道

自彭蠡湖初入江

江岫殊空闊雲煙處處浮上來羣噪鳥中去獨行舟牢

落誰相顧逶迤日自愁更將心問影于役復何求

赴使龍峽

溪路日幽深寒空入兩嶽霜清百丈水風落萬重林夕  
鳥聯歸翼秋猿斷去心別離多遠思况乃歲方陰

湖口望廬山瀑布泉

萬丈洪一作紅

泉落迢迢半紫氛奔飛流一作下

雜樹灑落

出重雲日照虹蜺似天清風雨聞靈山多秀色空水共

氤氳

湏陽峽

行舟傍越岑，窈窕越溪深。水闇先秋冷，山晴當晝陰。  
重林間五色，對壁聳千尋。惜此生遐遠，誰知造化心。

使至廣州

昔年嘗不調，茲地亦遭回。本謂雙鳬少，何知駟馬來。  
人非漢使橐，郡是越王臺。去去雖殊事，山川長在哉。

春江晚景

江林多一作皆秀發雲日復相鮮，征路那逢此。

鄉一作心

益渺然興來祇自得佳氣莫能傳薄暮津亭下餘花滿客船

與王六履震廣州津亭曉望

明發臨前渚寒一作潮來淨遠空水紋天上碧日氣海邊

紅景物紛為異人情賴此同乘槎一作桴自有適非欲破

長風

初發曲江溪中

溪流清且深松石復陰臨正爾可嘉處胡為無賞心我

由不忍別物亦有緣侵自匪常行邁誰能知此音

旅宿淮陽亭口號

一作宋  
之問詩

日暮荒亭上悠悠旅思多故鄉臨桂水今夜渺星河暗  
草霜華發空亭雁影過興來誰與晤勞者自為歌

望月懷遠

海上生明月天涯共此時情人怨遙夜竟夕起相思滅  
燭憐光滿披衣覺露滋不堪盈手贈還寢夢佳期

秋夕望月

清迥江城月流光  
萬里同所思如夢裏相望在庭中皎潔青苔露蕭條黃葉風含情不得語頻使桂華空

詠燕

海燕何微眇乘春亦顰來  
豈知泥滓賤祇見玉堂開繡戶時雙入華軒日幾回  
無心與物競鷹隼莫相猜

故刑部李尚書荆谷山集會

嘗聞繼老聃身退道彌耽結宇倚青壁疏泉噴碧潭苔石隨人古煙花寄酒酣山光紛向夕歸興杜城南

戲題春意

一作江南守江林三四春相鳴不及鳥相樂喜闊人日  
守朱絲直年催華髮新淮陽祇有卧持此度芳辰

庭梅詠

芳意何能早孤榮亦自危更憐花帶弱不受歲寒移朝  
雪那相妬陰風已屢吹馨香雖尚爾飄蕩復誰知

聽箏

端居正無緒那復發秦箏纖指傳新意繁絃起怨情悠

揚思欲絕掩抑態還生  
豈是聲能感人心自不平

初秋憶金均兩弟

江渚秋風至他鄉  
離別心孤雲愁自遠  
一葉感何深憂喜  
嘗同域飛鳴忽異林  
青山西北望堪作白頭吟

秋懷

感惜芳時換誰知  
客思懸憶隨鴻向  
煖愁學馬思邊留滯  
機還息紛拏網自牽  
東南起歸望何處是江天

故刑部李尚書挽詞三首

仙宗出趙北相業起山東明德嘗為禮嘉謀屢作忠論  
經白虎殿獻賦甘泉宮與善今何在蒼生望已空

宿昔三台踐榮華駟馬歸印從青瑣拜翰入紫宸揮題  
劍恩方重藏舟事已非龍門不可望感激涕沾衣

永歎常山寶沈埋京兆阡同盟會五月華表記千年渺  
漫野中草微茫空裏烟共悲人事絕唯對杜陵田

故徐州刺史贈吏部侍郎蘇公挽歌詞三首

韋玄方繼相荀爽復齊名在貴兼天爵能賢出世卿學

聞金馬詔神見玉人清藏壑今如此為山遂不成

相如只謝病子敬忽已亡豈悟瑤臺雪分彫玉樹行清規留草議故事在封章本謂山公啓而今歿始揚

返葬長安陌秋風簫鼓悲奈何相送者不是平生時寒影催年急哀歌助晚遲寧知建旛罷丹旐向京師

故榮陽君蘇氏挽歌詞三首

門緒公侯列賓風詩禮行松蘿方有寄桃李忽無成劍去雙龍別雛哀九鳳鳴何言嶧山樹還似半心生

永歎芳魂斷行看草露滋二宗榮盛日千古別離時竟  
罷生芻一作香贈空留畫扇悲容車候曉發何歲是歸期

縞服紛相送玄扃醫不開更悲泉火滅徒見柳車回舊  
室容衣奠新塋拱樹裁唯應月照簾藩岳此時哀

眉州康司馬挽歌詞

家受專門學人稱入室賢劉楨徒有氣管輶獨無年謫  
去長沙國魂歸京兆阡從茲匣中劍埋沒罷衝天

奉和聖製早發三鄉山行

羽衛森森西向秦  
山川歷歷在清晨  
晴雲稍卷寒巖樹  
宿雨能微一作銷御路  
塵聖德由來合天道  
靈符即此應時巡  
遺賢一一皆羈致  
猶欲高深訪隱淪

奉和聖製龍池篇

天啓神龍生碧泉  
泉水靈源浸迤延  
飛龍已向珠潭出  
積水仍將銀漢連  
岸傍花柳看勝畫  
浦上樓臺問是仙  
我后元符從此得  
方為萬歲壽圖川

御定全唐詩卷四十八


謹案卷四十八第一頁後七行十月回星斗千官

捧日車按曲江集作十月星迴斗千官日捧車

第二頁後七行芳菲不及新按曲江集芳菲作流

芳





總校官庶吉士臣張能照  
校對官檢討臣龔大萬  
謄錄監生臣胡金石